

Սարգսյան Զ. Զ.

Նոր մեղիսայի և հաղորդակցության

ամբիոնի ասխարհենկը, ք.գ.թ.

Էլ. փոստ՝ zsargsyan@ysu.am

ՀԻՆ ԵՎ ՆՈՐ ՄԻՖԵՐԻ ՊԱՅՔԱՎՐԸ 1990-ԱԿԱՆՆԵՐԻ ԱՌԱՋԻՆ ԿԵՍԻ ՀԱՅԱՍՏԱՆՅԱՆ ՄԱՍՈՒԼՈՒՄ

**Բանավի բառեր - միջ. մամուլ, անկախություն, ինքնուրյուն, ազգային,
հայկական, խորհրդային, գլոբալացում**

20-րդ դարավերջի հայաստանյան մամուլը հայ լրագրության պատմության կարևոր մի հատվածն է, որը հաստատապես կապված է անկախության գաղափարների տարածման, հայկական նոր պետականության ստեղծման հետ: Մամուլը, որ մինչ այդ խորհրդային գաղափարախոսության հիմնական տարածողն ու զանգվածների գիտակցության մեջ սոցիալիզմի միֆը կենդանի պահողն էր, նոյն ջանափառությամբ ձեռնամուխ եղավ դրա քայլայման գործին:

Հոդվածում մամուլի հրապարակումների ուսումնասիրության միջոցով կանդադառնամբ Խորհրդային Միության անկումից հետո հայաստանյան հասարակական-քաղաքական կյանքի գարգացումներին: Կվորձենք նաև մատնանշել նոր ձևավորվող միֆերի հետ կապված մտահոգությունները, քննարկել խնդիրները, որոնք ի հայտ են եկել հին և նոր միֆերի պայքարի լմբացրում:

1. Ղարաբաղ-Հայաստան միացման հարցադրումները մամուլում. «Ղարաբաղ» կոմիտեի միֆականացումը

«Անկախությունը» հնի կործանման և նորի ստեղծման բացահայտ դրոշակակիրն էր իր ստեղծման առաջին օրից (1987 թ., հոկտեմբերի 24): Թերքի կարգախոսը՝ «Մեր նպատակը միացյալ,

ազատ ու անկախ Հայաստանն է, առաջնահերթ խնդիրը՝ Խորհրդային Հայաստանի անկախացումը», կանխորշում է նրա դիրքը: «Պարբերականը կոչ է անում՝ «դարձի գանք», որտեղ մասնավորեցնում է. «Այս երկրում այլևս անելիք չունենք, ապագա չունենք, նրանից մենք ոչ մի ակնկալիք չունենք, ել ուր մնաց Հայկական հարցի կամ նրա բաղկացուցիչ մաս հանդիսացող Արցախյան հարցի լուծումը, երբ հայ ժողովուրդը ԽՍՀՄ-ում կանգնած է ֆիզիկական ոչնչացման առաջ, որն այսօր մի նոր ու սարսափելի որակ է ստացել: Այս իրադրությունից միակ ու պատվավոր ելքը Խորհրդային Սիուրյունից դորս գալն է ու Հայաստանի անկախացումը: Այս ո՞ր մի ժողովուրդն է բախտավորվել այս կայսրության ձեռքի տակ, որ մենք բախտավորվենք»¹:

Նման կոչերի մթնոլորտում է ձևափորվում ժամանակի դիսկուրսը, որի կենտրոնում՝ «Ղարաբաղ-Հայաստան միացման հարցադրումն է:

Այս միջավայրում փորձեց աչքի ընկնող դեր խաղալ «Ղարաբաղ» կոմիտեն: Վերջինս իր կառուցվածքով հիշեցնում էր խորհրդային կենտրոնական այն «քջիջը» կամ կենտրոնական կոմիտեն, որը երկար տարիներ հանդես էր գալիս բազմազգ ժողովուրդներին դեկավարելու լիազորություններով օժտված միջի դիմակով: Այս միջի տարատեսակներն առկա էին ԽՍՀՄ տարբեր հանրապետություններում, որտեղ էլ բաժանվում և գործում էին մարզային, գյուղական, աշխատանքային առանձին կողեկտիվների ներսում՝ որպես «խորհուրդներ»: Եթե Մ. Գորբաչովը իր հույսը դնում էր այդ խորհուրդների վրա, ապա նույն կերպ «Ղարաբաղ» կոմիտեն, որի կենտրոնական նստավայրը Երևանում Գրողների միության տունն էր, ժողովրդի միասնության համար իր հույսը կապում էր հանրապետության մարզերում ընտրված տեղական կոմիտեների հետ: Սա կարելի է դիտարկել որպես գործող միջի կառուցվածքաբանական նույնություն: Նույն կադապարի մեջ այժմ հանդես է գալիս հին միքը կործանող նորը՝ հակամիքը:

¹ Արմենակ, Դարձի գանք, «Անկախություն», 7 դեկտեմբերի, 1988, թիվ 48 (58):

«Ղարաբաղյան» բառն ինքն էլ շատ դեպքերում այլևս չի հիշատակվում՝ մնալով որպես «Կոմիտե», որի շուրջ ծավալվում են գործողությունները: Նոր Կոմիտեն «միացման» և Արցախի ինքնորոշման դիսկուրսի համար «գործող անձերից էր», այսինքն՝ ժողովրդի կողմից լիազորություններ «հավաքած» միֆական կերպար, որն իր ծնունդն արդարացնելու և իրեն պահելու համար ուներ մամուլի օգնությունը: Հին միքը դեռ «ցած չէր որել» իր լիազորությունները և փորձում էր աշխատել դարձյալ մամուլի օգնությամբ:

Կոմկուսի կենտրոնական կոմիտեի ազդեցիկ միջքը 70 տարվա վորձ ու պատմություն ունի: «Ղարաբաղ» կոմիտեն, որ իր վրա էր վերցրել ժողովրդին փրկելու ազատարարի դերը, նոր էր ծնվել: Որպես հակոտնյա միֆ՝ նրա առաջնորդությունը անընդհատ խոչընդոտվում էր հնի կողմից: Մամուլը կազմակերպում, օգնում էր «հանրային ապամիֆականացման» երկողմանի գործընթացներին: Սի կողմում «կենտրոնական տիրոջը հավատարմագրված կուսակցական կատարածություններն էին»², մյուս կողմում՝ ժողովրդական զարթոնքի շեփորահար «Ղարաբաղ» կոմիտեի ներկայացուցիչները կամ «տղաները»: Առաջինները ժողովրդի վիճակը ծանր ներկայացնելու համար ջանք չեն խնայում և անկախանալու դեպքում «սովահարության սարսափն են կանխագուշակում»: Սակայն այս վերաբերմունքը հակառակ կողմի դիրքերից գնահատվում է որպես հնին վերադառնալու, կորցրած իշխանությունը գտնելու փորձ. «Մնանկ է այս քարոզությունը և կայսերապաշտական...: Վաղն ավելի մեծ կլինեն կորուստները, եթե չփակեն աղետի գոտու կաշառակերության ճանապարհը», որի պարագլուխները հենց համարվում են «հները»³: Հինն ու նորը ասես դրվում են կշեռքի նժարներին: Անկախության «այյո» ասելու դեպքում կորուստները միայն առաջն հայացքից են շոշափելի թվում: Դրա փոխարեն «գերատեսչա-

² Հարությունյան Մ., Աղետի գոտին կործանում է կաշառակերությունը, «Հայր», 3 ապրիլի, 1991, թիվ 13 (63):

³ Նոյն տեղում:

կան-ստրկական հարաբերություններին կփոխարինեն հորիզոնական կապերը, և գործարանները կաշխատեն միայն մեզ համար...»⁴:

2. Անկման, վերածննդի և ոսկե դարի մասին միֆերը ազգայնական միֆոլոգիայում

Միֆ և հակամիֆ պայքարը ծավալվում էր հանրապետությունում ծայր առած ճգնաժամային իրավիճակում, երբ սովոր, իսկապես, ոչ թե գալիք, սպասվելիք վտանգ էր, այլ առաջանում էր՝ մեծ ավերածություններ գործելով ոչ միայն դատարկ խանութներում ու շուկաներում, այլև նարդկային հոգիներում։ Սակայն հնի դեմ դրւս եկած նոր՝ ազատության ու անկախության միֆը չի վախենում նրա աչքերին ուղիղ նայելուց։ Կենցաղային դժվարությունների գիտակցումն ուղղորդվելու կարիք է զգում։ «Դա արվում է նամուլի կողմից վարպետորնեն ու հատակ հրապարակումների միջոցով։ «Պետք է ապրել ոչ միայն հանապաօրյա հացը վաստակելով միայն, այլև՝ վաղվա օրվա համար։ ... 1988-ի փետրվարից մեր ձյունոտ ու ցուրտ լեռներում գարնանային տաք քամիներ եկան, եկան, որպեսզի մեր դաշտերը մաքրեն որոմից, բացեն դեկավար դրները յոթ փակերից։ ... Մենք ոսքի ենք ելել ոչ թե օճախի, ծխախտի ալրորենները լուծելու համար, այլ նախ և առաջ մարդկային և ազգային արժանապատվության մեր հասանելիքին տեր կանգնելու համար»⁵, նշում է «Ավանգարդը»՝ միաժամանակ խորհրդային անցյալից հիշողություններ պատմելով «վաղվա օրվա համար»։

«Երկիր»-ը ահազանգում է հոգևոր հայրենիքի կորստի, անդարձ կորուսյալ հայրենական արժեքների, հոգևոր աղքատության ու գաղափարական չունորության մասին, ինչպես և այն մտավորականների, որոնց համար գործելակերպ է դարձել «Նախ» հացի-

⁴ Նույն տեղում։

⁵ **Գալոյան Ս.**, Հիշողություններ վաղվա օրվա համար, «Ավանգարդ», 19 դեկտեմբերի, 1990, թիվ 144 (10395)։

վը...»⁶: Ժամանակի մամուլը լի է հայ մարդու ազգային հոգեբանության ու մտածողության խաթառումը շեշտող հոդվածներով, որոնցում ավելի ակնհայտ է դառնում անկման իրողությունը: Ըստ Էնքոնի Սմիթի՝ «անկման մասին միֆը» ազգայնական միֆոլոգիայում էրնիկ միֆերը կազմող բաղադրիչներից է: Այն պատմում է մեզ, թե ինչպես համայնքը կորցրեց իր կենդանի ավանդության խարիսխը, ինչպես իին արժեքները դարձան ուկրացած ու անհմաստ, և ինչպես, որպես արդյունք, ընդհանուր գգացմունքները և համոգմունքները մոռացվեցին՝ ճանապարհ տալով անզուսպ անհատականությանը և կուսակցական հետարքրությունների հաղթանակին, ավելի քան հավաքական իրեալմերին և կարգապահությանը⁷:

Այսպես՝ «Հայր»-ը «Ժողովուրդը տովից չէ, որ մեռնում է»⁸ հրապարակման մեջ անդրադառնում է Նոր տարվան, որը չէր կարող նմանվել «իին» Նոր տարիներին: Ամանորյա տոնն ինքը միֆական ավանդություն է. տոնել այն որքան հնարավոր է ուրախ տրամադրությամբ և ճոխ սեղաններով՝ ցիկլային նոր կրկնությունն այդպես սկսելու և շարունակելու համար⁹: Գալիք տարվա մտահոգության ու վախի արտահայտությունն էր արդյոք այն, ինչ կատարվում էր 1991-ի հունվարի սկզբին: Ըստ «Հայր»-ի՝ ո՞չ: Պարզապես ոտնահարված էր իր «մաքուր» սկզբի մեջ ծնվող Նոր տարվա միֆը: Կրկնվող ցիկլը կորցրել էր իր «մաքուր» լինելու միֆական նշանակությունը, որովհետև սկսվել էր դժոխային պայքարը՝ քաղցր հագեցնելու համար: «...Այսուայնտեղ հապենապ սարքված սպանդանցների, շոկանների, խորովածանցների վրա էին գրոհում բանվորը, խորիդարանի իմաստուն ճառասացը, ակնոցն այդ բնուրուի մեջ կորցրած մտավորականը, ֆիդայիներ, հոլի կանայք ու անհայտ ծագումով երեխաներ: ... Առնողները բքած ունեին կենդանական

⁶ **Պետրոսյան Գ.**, Մտավորականաբավման գրքընթաց, «Երկիր», 27 դեկտեմբերի, 1991:

⁷ Stéphane Anthony D. Smith, Myths and Memories, Oxford, New York, 1999,էջ 67:

⁸ **Գեղորյան Ս.**, Ժողովուրդը տովից չէ, որ մեռնում է, «Հայր», 9 հունվարի, 1991, թիվ 1 (51):

⁹ Այս մասին տես նաև **Պետրոսյան Գ.**, Միֆական ժամանակը Մոշել Գալոյանի էսսեներում, «Վեմ», 2011, թիվ 2 (34):

բնազդների դրսնորումների հանդիպելու վախսից տներում պահ մտած զանազան գեղագետների ու դատարկ-մատարկ պրետների կարծիքների վրա՝ նրանց մի կտոր միս էր պետք, ուտելու մի բան... Եղան վիրավորանքներ, ծեծուջարդ, մարդիկ ոտնատակ ընկան այդ նյութառուսի մեջ»¹⁰:

Հիշեցնելով նաև իին պատմությունից ծանոթ արհեստական սովոր ստեղծումը Եզիպտոսում՝ մի ող ժողովրդի ստրկացնելու համար, հեղինակն այնուհետև մնչքերում է Կենտրոնի ծրագրավորած սաղրանքները՝ նույն միջոցներով մեր ժողովրդին ստրկացնելու համար, և կոչ է անում չտրվել սաղրանքներին: Նա այսպես է հուսադրում. «Վաղն ավելի դժվար կլինի: Մթերքի առավել պակասություն»: Այստեղից էլ սկսվում է հավատը դեպի ցիկլային կրկնության միֆը, որն անկասելի և հավերժական է. «Դա նման է միաժամանակյա մահվան ու ծնունդի: Կտրվող պորտալարի ցավից ոչ մի ծնունդ չի դադարում»: Արքնանում է ծնունդի մասին խորքային հիշողությունը, գալիս ու կերպավորվում «Երկներ երկին, երկներ երկիր» պատկերից դուրս ժայթքող Վահագնի տեսքով: Խաղարկվում է ժողովրդի արքետիպային հիշողությունը, որում Վահագնի կերպարը ներշնչված է նախկին հերոսական ժամանակների հիշողությունից և մատնանշում է գալիք ճանապարհը: Անկումից դեպի վերածնունդ տանող տրամադրությունները հասուկ են ազգայնական միֆոլոգիային. սկսելով անկումից, օտարացումից և ներքին արտաքսումից՝ զնում են դեպի վերածնունդ, վերամիավորում և նախկին փառավոր պետության վերականգնում¹¹: Եթե այս դեպքում Վահագնի կերպարն է ազգի համար սահմանված լիեւալը, որի մեջ «ոսկե դարի» մասին հիշողությունն է¹², ապա ազգի «մտավորականաբավման գործընթացով» մտահոգված «Երկիր»-ի նատնանշած «ոսկե դարը» կամ ազգի համար նախընտրելի ուղին կապվում է այլ ժամանակների հիշողությունների հետ. այն սկսվում է Մաշտոցով, Խորե-

¹⁰ Գեորգյան Ս., Ժողովուրդը սովոր չէ, որ մեռնում է, «Հայր», 9 հունվարի, 1991, թիվ 1 (51):

¹¹ Ste'v Anthony D. Smith, Myths and Memories, Oxford, New York, 1999, էջ 264.

¹² ibid, p. 67-68, 263.

նացիով, Տրդատ ճարտարապետով, Թորոս Ռուսլինով և հասնում մինչև Զարենց, մինչև Առաջին հանրապետության նախարարներ¹³:

3. Կոմունիզմի անկումը որպես աշխարհաքաղաքական նոր իշխանության ձևավորման երաշխիք. գլոբալացման միֆոլոգիան

Խորհրդային Հայաստանից անցում կատարվեց դեպի Հայաստանի Հանրապետություն: Ազատություն, ժողովրդավարություն, մարդու իրավունքներ... Սրանք նոր միֆեր են, որոնց հիման վրա պետք է կառուցվի նոր հասարակությունը:

Վ. Շիմկարենկոն, խոսելով Ռուսաստանում ձևավորվող նոր միֆերի մասին, նշում է դրանցից մի քանիս՝ «վերակառուցում», «շուկա», «կապիտալիզմ», «դեմոկրատիա», «մամուլի ազատություն», «ազգային գաղափարախոսություն», ստալինականության «սարսափ», ժողովրդականության «բարիք» և այլ¹⁴: Շարունակելով նկարագրությունը՝ նա փաստում է, որ երկրում կրնունիստական «հանցագործ» գաղափարախոսության ոչնչացման հետ ստեղծվում է նոր միֆ այն մասին, թե «ինչքան լավ է ապրում կապիտալիստական արևմուտքը»¹⁵: Սույնը հաստատում է նաև Վ. Հովհաննիսյանն իր «Քաղաքական միֆերը որպես տեղեկատվական պատերազմի միջոց» հոդվածում, որում մասնավորապես նշում է. «Հակախորհրդային միֆը, ըստ էության, լինվ արտատպված էր Արևմուտքից: Երեկով թշնամու միֆերը հայտարարվեցին ճշնարիտ, իսկ կոմունիստական միֆերը՝ կեղծ»¹⁶:

¹³ **Պետրոսյան Գ.**, Մտավորականարափման գործընթաց, «Երկիր», 27 դեկտեմբերի 1991:

¹⁴ **Шинкаренко В.**, Смысловая структура социокультурного пространства, М., 2005, стр. 138.

¹⁵ Там же, стр. 139.

¹⁶ **Հովհաննիսյան Վ.**, Քաղաքական միֆերը որպես տեղեկատվական պատերազմ-ների միջոց, «21-րդ դար», թիվ 3 (21), 2008, էջ 133:

Այս ամենը դիտարկելի է նաև գորբալացման միֆոլոգիայի համատեսությամբ¹⁷: Մարիլանդի համալսարանի պրոֆեսոր Ս. Ֆերգուսոնը կոմունիզմի անկումը և կապիտալիզմի հաղթանակը, այն է՝ իին միֆի կործանում և նորի հաստատում, դիտում է որպես Ամերիկայի կողմից առաջարված գլորալ նպատակներ. «Ակնհայտ է, որ ի սկզբանե առաջարված նպատակները եղել են գլորալ, ամերիկյան ծագման և նկատվում էր Նոր Երուսաղեմի (գլորալ նոր հավատի կենտրոնի) մշուշոտ տեսականը, աշխարհաքաղաքական իշխանության ձևավորումը կապվում էր կոմունիզմի անկման և կապիտալիզմի հաղթանակի հետ»¹⁸:

Այս առիրող մտահոգ է մամուլը. «ՀՀԾ-ն, ՀՀ ԳԽ-ն ու նախագահը ազգային գաղափարախոսություն չունեն» վերնագրով հրապարակման մեջ «Երկիր»-ը նշում է, թե փորձ է արվում հայոց պետությունը կառուցելու ամերիկյան սկզբումքներով, որոնց հիմքը մարդու իրավունքներն են: «Մեզ հուզում է ոչ թե պետության կառուցումը, այլ ազգային պետության կառուցումը»¹⁹:

«Երկիր»-ն անհանգիստ է, որ այն անհատները, ովքեր, հաստատվելով տապալված կուռքերի վրա, երաշխիքներ էին տալիս ազգային արժեքային դաշտի ամբողջականության համար, հայտնվեցին «վիլովվող հայկականության կեռմաններում», որն սպառնում է տանել օտար մի հաճգրվան, որտեղ «չի լինելու պատմություն....»²⁰: Այսպես հայր կհայտնվի իր «վերջին կանգառում»²¹: Խոսելով «վիլովվող հայկականության կեռմանների» մասին՝ հողվածագիրները (Ա. Մարտիրյան, Է. Հարությունյան) դրանց մեջ՝ անհատի ու հասարակության միջև խորացող տարածություն, ավան-

¹⁷ **Marjorie Ferguson**, The Mythology about Globalization, European Journal of Communication, Communication Theory and Research, edited by Denis McQuail, Peter Golding and Els de Bens, SAGE Publications LTD, London, Thousand Oaks, 2005, p. 31-32.

¹⁸ Ibid.

¹⁹ «ՀՀԾ-ն, ՀՀ ԳԽ-ն ու նախագահը ազգային գաղափարախոսություն չունեն», «Երկիր», 14 ապրիլի, 1993, թիվ 67 (408):

²⁰ Մարտիրյան Ա., Հարությունյան Էղ., Վերջին կանգառ, «Երկիր», 14 ապրիլի 1993, թիվ 67 (408):

²¹ Նույն տեղում:

դապահ անհատների օտարում, չեզոքացում, տեսնում են դիցարանական մի յորօհնակ քառ, որից վերածնված ու առնական դրւու գալու ակնկալիքները աղոտանում են, և չեն ուրվագծվում քառսի կարգավորման միտումները:

Նման պայմաններում ու մտահոգությունների համատեքստում են ընթանում հնի և նորի միֆական պայքարը, նոր միֆների որոնումները նամուլում:

Այսպիսով՝ մամուլը կարողացավ իր էջերում օգտագործել և ստեղծել տարաբնույթ միֆեր՝ հասարակական գիտակցությունն ուղղորդելու համար: Համբավետությունում ծայր առած ճգնաժամային իրավիճակում այն, մի կողմից, պատերազմի ահազանգ էր հնչեցնում, վեր հանում մտահոգությունները՝ կապված Արևմուտքից ներմուծված նոր արժեքների հետ, մյուս կողմից՝ ուղղորդում հասարակությանը, որը վտանգված գոյությունը պահպանելու երաշխիքները էր որոնում:

РЕЗЮМЕ

Саргсян З. Дж.

БОРЬБА НОВЫХ И СТАРЫХ МИФОВ В СМИ НАЧАЛА 1990-Х ГОДОВ

Ключевые слова: миф, пресса, независимость, идентичность, национальный, армянский, Армения, советский, глобализация

В статье рассматривается разрушение советского мифа, а также проблемы, связанные с борьбой между старыми и новыми мифами. В частности, представлена борьба между комитетом «Карабах» и Компартией, у которой был 70-летний опыт работы.

В этот период СМИ создали различные мифы, которые использовались в качестве ориентира для формирования общественного сознания. Вопросы, поднятые в статье, также связаны с переходом от одного социального порядка к другому, и созданию новой идентичности отличающейся от советской. При отрицании советской идеологии и пересмотре

своего «мы» СМИ основывались на национальных корнях, прототипах, воспоминаниях о «золотом веке». В то же время СМИ опасались притока мифов и ценностей из Запада.

SUMMERY

Sargsyan Z. J.

MYTHICAL STRUGGLE OF THE OLD AND NEW IN THE PRESS IN THE EARLY 1990S

Key words: *myth, press, independence, identity, national, Armenian, soviet, globalization*

The article examined the destruction of the Soviet myth and it also discusses the issues revealed during the collision of the old and the new myths in the new independent state. In this context the struggle of myths of "Karabakh" commission and seventy-year old Communist Party has been presented.

Various myths created and used by the press to orient social consciousness have been examined. In the article there has been discussed also the issues related with the transition from one social order to another, as and the process of defining new identity different from the Soviet. When rejecting Soviet ideology and redefining the "we" the press took its stand on the memories of national roots, prototypes and "golden age". But there are also concerns about new values and new myths, which are taken from the global West.